



საქართველოს რეგიონული განვითარებისა და ინფრასტრუქტურის სამინისტრო
საქართველოს საავტომობილო გზების დეპარტამენტი

ბრძანება N 73

ქ. თბილისი

22/02/2017

საქართველოს რეგიონული განვითარებისა და ინფრასტრუქტურის სამინისტროს
გამგებლობაში არსებული სახელმწიფო საქვეუწყებო დაწესებულების –
საქართველოს საავტომობილო გზების დეპარტამენტის სატენდერო და
საკონკურსო კომისიების შექმნის შესახებ

„სახელმწიფო შესყიდვების შესახებ“ საქართველოს კანონის მე-11 მუხლის, საქართველოს ზოგადი ადმინისტრაციული კოდექსის 61-ე მუხლის პირველი და მე-3 ნაწილების, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული გამარტივებული ელექტრონული ტენდერისა და ელექტრონული ტენდერის ჩატარების წესის მე-14 მუხლის, „კონკურსის მეშვეობით საპროექტო მომსახურების სახელმწიფო შესყიდვის წესისა და პირობებისა დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 22 მაისის №7 ბრძანებით დამტკიცებული კონკურსის მეშვეობით საპროექტო მომსახურების სახელმწიფო შესყიდვის წესისა და პირობების მე-4 მუხლის საფუძველზე,

ვბრძანებ:

1. საქართველოს სახელმწიფო ბიუჯეტისა და საერთაშორისო საფინანსო ინსტიტუტებისა და დონორი ორგანიზაციებისგან საერთაშორისო ხელშეკრულების საფუძველზე სესხის ან/და გრანტის სახით მიღებული სახსრებით განსახორციელებელი სატენდერო პროცედურების ჩატარების მიზნით, შეიქმნას საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულების - საქართველოს საავტომობილო გზების დეპარტამენტის (შემდგომში - დეპარტამენტი) სატენდერო კომისია შემდეგი შემადგენლობით:

ა) გიორგი სეთურიძე - სატენდერო კომისიის თავმჯდომარე, დეპარტამენტის თავმჯდომარე;

ბ) სატენდერო კომისიის წევრები:

ბ.ა) ნუგზარ გასვიანი - დეპარტამენტის თავმჯდომარის მოადგილე - ტექნიკური მდივანი;

ბ.ბ) გივი ჩოჩია - დეპარტამენტის თავმჯდომარის მოადგილე;

ბ.გ) ალექსანდრე თევდორაძე - დეპარტამენტის თავმჯდომარის მოადგილის მოვალეობის შემსრულებელი;

ბ.დ) ზაზა სიმონია - დეპარტამენტის თავმჯდომარის მოადგილის მოვალეობის შემსრულებელი;

ბ.ე) ლაშა ადგიშვილი - დეპარტამენტის თავმჯდომარის მოადგილის მოვალეობის შემსრულებელი;

ბ.ვ) ავთანდილ გვაზავა - დეპარტამენტის სარეაბილიტაციო პროექტების მართვის სამსახურის უფროსი;

ბ.ზ) კარლო ლეკვიშვილი - დეპარტამენტის საავტომობილო გზების მიმდინარე და პერიოდული შეკეთების სამუშაოების კონტროლისა და მონიტორინგის სამსახურის უფროსი;

ბ.თ) გივი ამბრიაშვილი - დეპარტამენტის საავტომობილო გზების ადმინისტრირების სამსახურის უფროსი;

ბ.ი) სალომე წურწუშია - დეპარტამენტის იურიდიული სამსახურის უფროსის მოვალეობის შემსრულებელი;

ბ.კ) დავით კალაძე - დეპარტამენტის საავტომობილო გზების საინჟინრო-ტექნიკური სამსახურის უფროსი.

2. სახელმწიფო ბიუჯეტის სახსრებით დაფინანსებული სახელმწიფო შესყიდვების მიზნით, სატენდერო კომისიის საქმიანობის ტექნიკური და ორგანიზაციული უზრუნველყოფა დაევალოს დეპარტამენტის სახელმწიფო შესყიდვების სამსახურს. დეპარტამენტის სახელმწიფო შესყიდვების სამსახური განისაზღვროს „სახელმწიფო შესყიდვების შესახებ“ საქართველოს კანონით გათვალისწინებული – სატენდერო კომისიის აპარატად. სატენდერო კომისიის აპარატის წევრმა - შალვა ჯულაყიძემ, დეპარტამენტის სახელმწიფო შესყიდვების სამსახურის უფროსმა, სატენდერო კომისიის წინაშე წარმოადგინოს სატენდერო კომისიის აპარატი, განისაზღვროს მომხსენებლად და სატენდერო კომისიას მოახსენოს სატენდერო კომისიის აპარატის მუშაობის შედეგები.

3. საერთაშორისო საფინანსო ინსტიტუტებისა და დონორი ორგანიზაციების დაფინანსებით/თანადაფინანსებით შესყიდვებთან დაკავშირებით, სატენდერო კომისიის საქმიანობის ტექნიკური და ორგანიზაციული უზრუნველყოფა დაევალოს, დეპარტამენტის საერთაშორისო შესყიდვებისა და დონორებთან ანგარიშგების სამსახურს და დეპარტამენტის საერთაშორისო შესყიდვებისა და დონორებთან ანგარიშგების სამსახური განისაზღვროს საქართველოს კანონმდებლობით გათვალისწინებულ - სატენდერო კომისიის აპარატად. სატენდერო კომისიის აპარატის წევრმა - ვახტანგ რაზმაძემ, დეპარტამენტის საერთაშორისო შესყიდვებისა და დონორებთან ანგარიშგების სამსახურის უფროსმა, სატენდერო კომისიის წინაშე წარმოადგინოს სატენდერო კომისიის აპარატი, განისაზღვროს მომხსენებლად და სატენდერო კომისიას მოახსენოს აპარატის მუშაობის შედეგები.

4. დეპარტამენტის სატენდერო კომისიაზე განსახილველი საკითხ(ებ)ის სპეციფიკის გათვალისწინებით, სატენდერო კომისიის საქმიანობაში მონაწილეობის მიღების მიზნით, შესაძლებელია მოწვეულ იყვნენ დეპარტამენტის სტრუქტურული ქვედანაყოფების საჯარო მოხელეები, დეპარტამენტის

კონსულტანტები და შესაბამისი თხოვნის საფუძველზე, სსიპ - ევრაზიის სატრანსპორტო დერეფნის საინვესტიციო ცენტრის დირექტორი, გიორგი ცაგარელი.

5. სატენდერო კომისიის თავმჯდომარის არყოფნის შემთხვევაში, სატენდერო კომისიის თავმჯდომარის მოვალეობის შესრულება უზრუნველყოს დეპარტამენტის თავმჯდომარის მოადგილის მოვალეობის შემსრულებელმა ალექსანდრე თევდორაძემ.

6. კონკურსის მეშვეობით საპროექტო მომსახურების სახელმწიფო შესყიდვის განხორციელების მიზნით, საკონკურსო კომისია განისაზღვროს ამ ბრძანების პირველი პუნქტით განსაზღვრული თავმჯდომარისა და წევრების შემადგენლობით, ხოლო საკონკურსო კომისიის აპარატი განისაზღვროს ამ ბრძანების მე-2 და მე-3 პუნქტების შესაბამისად.

7. ამ ბრძანების ამოქმედებისთანავე ძალადაკარგულად გამოცხადდეს „საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულების - საქართველოს საავტომობილო გზების დეპარტამენტის სატენდერო და საკონკურსო კომისიების შექმნის შესახებ“ დეპარტამენტის თავმჯდომარის 2017 წლის 18 იანვრის №14 ბრძანება.

8. ბრძანების შესრულებაზე კონტროლს განვახორციელებ პირადად.

9. ბრძანება ამოქმედდეს ხელმოწერისთანავე.

10. ბრძანება შეიძლება გასაჩივრდეს საქართველოს კანონმდებლობით დადგენილი წესით მისი გაცნობიდან 1 (ერთი) თვის ვადაში.

გიორგი სეთურიძე

დეპარტამენტის თავმჯდომარე

